

INUIT ATAQATIGIIT

INATSISARTUNI



Nuuk, 27. august 2012

Inatsisartut Suleriaasianni § 37 naapertorlugu apeqqutit imaattut matuuna saqqummiuppakka:

Nalunami kultisiorluni aatsitassarsiorfimmi atorfillit akileraarutaat pillugit apeqqutit arfinillit.

(Inatsisartuni ilaasortaq Naaja Nathanielsen, Inuit Ataqatigiit)

Tunggavilersuut apeqqutillu

2007-imi Naalakkersuisuusut ukiumi tassani ulloq 5. november § 36 naapertorlugu apeqqummut akissuteqarlutik kultisiorfimmi Nalunami atorfeqartut akileraaruteqarnerat pillugu ima allapput:

”Kultisiorfik Nalunaq pisortatigoortumik 2004-mi ammarneqarpoq. Manna tikillugu kultisiorfik sinneqartoorfiusimangilaq, taamallu naatsorsuutigineqarani ukioq manna sinneqartoorfiussasoq.

Aatsitassarsiorfimmi inuiaqatigiinnut toqqaannartumik manna tikillugu isertitat pingaernerit tassaasimapput akissarsianit akileraarutaasussanit isertitat, suliffeqarfiit sulisuisa imaluunniit taakkununga pilersuisut sulisuisa kommuninut namminer-sornerusunullu akiliutigisartagaat. Nalunaq-mi sulisut 150-it missaanniipput.

Takussutissami ataaniittumi aatsitassarsiorfimmi suliffeqarfinit sisamaasunit ukiumi 2003, 2004 aamma 2005-imi akileraarutitigut isertitat katinneri takutinneqarput.

Kultisiorfimmi suliffeqarfinit akissarsianit akileraarutaasussanit akileraarnikkut akilikkat, 2003-2005

Suliffeqarfik	2003	2004	2005	2003-2005
	Akissarsiat akileraarutaasussat 1.000 kr.-nngorlugit			
Nalunaq Gold Mine A/S	717	2.523	5.246	8.486
JK Catering ApS	140	493	1.154	1.787
RC Entreprenørservice A/S	2.126	3.288	3.239	8.653
Procon Mining & Tunnelling	465	9.897	16.426	26.788
<i>Katillugit</i>	<i>3.448</i>	<i>16.201</i>	<i>26.065</i>	<i>45.714</i>

Paasisaqarfik: Nalunaq Gold Mine A/S, september 2006.

Taamaalilluni akissarsianit akileraarutaasussanit 2005-imi ukiumoortumik isertitanit akiliutigineqartut nuna tamakkerlugu inuit akissarsiatigut akileraarutigisartagaasa katinnerini procentiisa ataatsip missaanniipput.

Sulisut aatsitassarsiorfimmuq attuumassuteqartut 2006-imi aamma 2007-imi akissarsianit akileraarutaasussanit 2005-imi akileraarutitigut isertitat amerlaqatigissagaat. Naatsorsuutigineqarpoq aatsitassarsiorfiup ammerneranit akissarsianit akileraarutaasussaasunit akiliutigineqartut 100 mio. kr.-t missaanniissasut.”

Taamani Naalakkersuisuusut taamatut paasissutissiisinnaasimanerat eqqarsaatigalugu Naalakkersuisut ukioq manna ulluni 9. marts aamma 17. august § 37 naapertorlugu apeqqutigisanut akissutiminni 2011-mi aatsitassarsiorfimmi atorfillit nunatta karsianut qanoq akileraaruteqarsimatiginersut ilisimatitsissutigereerusussimangimmassuk tupaal-larnartuuvoq.

Naalakkersuisut akissuteqaatiminni kingullerni marlunni pisortani suliassat suliarineqartarnerat pillugu inatsimmi § 27, imm. 1. nr. 6-7, kiisalu akileraaruserinermik ingerlatsineq pillugu inatsimmi § 9 innersuussutigaa. Aalajangersakkat pineqartut 5. november 2007-imi aamma atuupput, taamanilu Naalakkersuisuusut apeqqut taamatorpiaq imaqartoq pillugu akissuteqarnerminni sukumiisumik paasissutissiisinnaasimapput.

Ima paasineqarsinnaavoq aatsitassarsiorfik nammineerluni paasissutissiisimasoq, imaluunniit paasissutissat avammut nalunaarutigineqarsinnaanerata aatsitassarsiorfimmitt akuerineqarsimasoq.

1. Apeqqutinut kingullernut marlunnut akissuteqaanginnerminni paaserusutat avammut saqqummiunneqarnissaat siunertaralugu aatsitassarsiorfiup akuer-sinissaa anguniarlugu Naalakkersuisut aatsitassarsiorfimmuq saaffiginnissimappat?

Pisortat iluanni imaluunniit namminersortut akornanni soqutigisat illersorniarlugit mianersorfigisassat pingaaruteqartut isertuunneqarnissaat siunertaralugu Pisortani suliassat suliarineqartarnerat pillugu inatsimmi § 27, imm. 1, nr. 6-7 naapertorlugit pisortat nipangiussisussaasuseq malittussaavaat. Inuit ataasiakkaat imaluunniit ingerlatseqatigiiffiit namminersortut inuttut imaluunniit iluminni paasissutissaasunik, tassaasinnaasunik aningaasaqarnikkut pissutsinut tunngasut imaluunniit teknikkikkut aqqissuussisimaneq ingerlatseriaaserlu imaluunniit ingerlatsinermut niuernermullu attuumassuteqartunik illersuiniarneq tamatumani pingaarnermik pineqarput

Apeqqutigineqartut marluk Naalakkersuisunit akineqarsinnaanngitsutut isigineqartut inuit 100-t missaaniittut A-mik akileraarutinik tamakkiisunik akiliisussaanerannut tunngapput. Taamaammat inuit ataasiakkaat pillugit paasissutissat isertuunneqarnissaat patsisaasimasinnaanngilaq. Naalakkersuisut ima naliliisimassagunarpur, ataatsimoor-tumik akileraarutit avammut nalunaarutigineqarnissaat ilaatigut aningaasarsiornikkiut pissutsit pillugit paasissutissiisinnaanissamik annertuumik innimittarneq aatsitassarsiorfiup soqutigisaannik innarliisinnaasoq, ilaatigullu ingerlatsinermut niueqatigiinnikkullu pissutsit pillugit paasissutissat aatsitassarsiorfiup aningaasarsiornikkiut soqutigisaanut pingaaruteqartumik innimittarneq pissutaatinneqarsimasinnaalluni.

Atuagassiani inatsisilerutuunut atuagassiani inatsimmi nr. 571-imi, 19. december 1985-imeersumi (Pisortat ingerlatsinerat pillugu inatsit) aalajangersakkami assingusumi ta-manna naatsorsuutigineqarsimavoq, ingerlatseqatigiiffiup namminersortup aningaasarsiornikkiut soqutigisaasa isertuunneqarnissaat tunngavigineqarniarpat, immikkut ittumik nalilersuereernikkullu kingunerisinnaasai imassinnaappata ingerlatseqatigiiffik pineqartoq paasissutissat avammut saqqummiunnerisigut aningaasarsiornikkiut annaasarsinnaasoq.

2. Atorfillit ataatsimut isigalugit akileraarutaasa isertuunneqarnissaannut, anin-

**gaasaqarnikkullu soqutigisaat ilanngullugit, aatsitassarsiorfik isertuussinissa-
minut sutigut soqutiginninnersoq Naalakkersuisunit itilernissaa kissaatigine-
qarpoq.**

- 3. Taamatuttaaq paasissutissanik pineqartunik aatsitassarsiorfiup isertuussinisa-
saminut aningaasaqarnikkut patsiseqartumik soqutiginninnera pillugu paasis-
sutissat pineqartut avammut saqqummiunnerisigut ingerlatseqatigiiffiup anin-
gaasatigut annaasaqarsinnaanerninik navianartorsiorsinnaanera ilimanaate-
qarluarsinnaanersog, sunalu tunngavigalugu Naalakkersuisut naliliisimanersut
Naalakkersuisunit itisileqquneqarpoq.**
- 4. Atorfillit ataatsimut isigalugit katillugit akileraarutigisaat pillugit aatsita-
sarsiorfiup ilaatigut aningaasaqarnikkut soqutigisai pillugit paasissutissat
isertuunneqarnissaat eqqarsaatigalugu aatsitassarsiorfik Naalakkersuisunit
paasiniaavigineqarsimava?**

Oqaatigineqareersutut Pisortani suliassat suliarineqartarnerat pillugu inatsimmi § 27-imi oqaatsit aammalu inatsit nr. 571-imi, 19. december 1985-imeersumi (Pisortat ingerlatsinerat pillugu inatsit § 27) oqaatsit atorineqartut assigiipput. Inatsilerituunut atuagassiani pisortat ingerlatsinerat pillugu inatsimmi § 27 pillugu allassimasogarpog, minister-i folketing-imut paasissutissiisinaanissaanut tunngasut Pisortanit paasi-
tinnegarsinnaatitaaneq pillugu inatsit naapertorlugu malerugassat atunngikkaluarlugit aalajangiiffigineqarsinnaasut.

Folketing-imi ataatsimiititalianut paasissutissiisarneq pillugu allakkiami 11. maj 1970-
meersumi Inatsiseqarnermut Ministereqarfik ima paasissutissiisimavoq:

*“Malerugassat minister-it nipangiussinissaannut tunngasut eqikkarlugit oqaa-
tigissagaani ataatsimut isigalugu paasissutissanik nipangiussinissamut ilaatin-
neqartunik ministerip folketing-imi ataatsimiititaliamut ingerlatseqqinnissaa
ataatsimiititaliap sulinermini paasisuutissanik pineqartunik atuisinaanissaa
pissusissamisoorutut nammineerluni nalileruniuk akornutissaqarsorinanngilaq.
Eqqartuussivitsigut naliliisoqassagaluarpat paasissutissanik taamaattunik inger-
latseqqinnerup naatsorsuutigineqartutut ataatsimiititaliap sulineranut naleq-
quttumik attuumassuteqartutut nalilernerqassappat, paasissutissat ataatsi-
miititaliap noqqaaneratigut imaluunniit ministerip nammineerluni piumassu-
seqarneratigut tunniunneqarsimanersut pingaaruteqartutut isigineqarnissaa ili-
magisariaqarpoq.”*

- 5. Ministerit paasissutissiisinaanatitanerat pinngitsooratillu paasissutissiisaria-
qartitaanerat pillugu apeqqut inatsilerituunut atuagassiat naapertoraanni,
2011-mi aatsitassarsiorfimmi atorfilinnit nunatta karsianut aningaasat qassit
nakkartinneqarsimanersut pillugu Naalakkersuisut akissuteqarsinnaanngitsu-
tut naliliippat?**
- 6. Apeqqutitut pineqartut Inuussutissarsiornermut Ataatsimiititaliamit imaluun-
niit Aningaasaqarnermut Akileraartarnermullu Ataatsimiititaliamit apeqquti-
gineqarpata Naalakkersuisut akissuteqarnissaminnut piareersimassappat?**